



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Benedicti Ariæ Montani Hispalensis Poemata**

In Qvatvor Tomos Distincta

Humanæ salutis Monumenta, & Odæ variæ

**Arias Montano, Benito**

**Antverpiæ, 1589**

In tabulam Danielis Prophetæ & Historici. Ode Tricolos Tetrastrophos.  
XXVIII.

**urn:nbn:de:hbz:466:1-44973**

MONUMENTA.

Integrum ac fortem celebremque distis,  
 Quem sua inuisum malè presserat gens,  
 Seruat, & cultu meliore Princeps  
 Suscipit hostis.

HONESTAE INDOLIS DECVR-  
 SVS INTEGER.

Quid non ferre potest, quid non superare, supernis  
 Qui se permisit nutibus ac monitis?

LEGATO STRENO FORTI  
 P O S.

In tabulam Danielis Prophetæ & Historici.

Ode Tricolos Tetrastraphos. XXVII.

**E**Xtrema prisca secula temporis  
 Videre vatem regibus omnium  
 Narrare præscriptam dierum  
 Historiam, feriemque longam:  
 Quas nec vagorum conscia siderum  
 Chaldæa, iactans dicere gentibus  
 Voluenda venturos per annos,  
 Explicuit, tetigitve prudens.  
 Huic prouidentis consilij Pater  
 Donauit orbis ponere mobilis  
 Decreta, mortalesque rerum  
 Atque hominum imperiique metas.  
 Non ille, quamuis inferior modis,  
 Priscique Vatum luminis vsibus,  
 Rerum vel impar mole scriptor,  
 Vel minor eloquio fideque:  
 Seu iussa vates somnia detegat,  
 Seu visa rerum signaque præcinat,  
 Abstrusa seu doctor notarum  
 Perlegat euoluatque sensa.  
 Huic flamma, cautes aptior vrere,  
 Sæua & Leonum pertimuit fames:  
 Concessit huic peior nocendo  
 Inuidia imperiumque præceps.

C 4

Miranda

egrum

Miranda sacro scripta volumine  
 Auctor relinquit, postera quæ legat  
 Actas, & attendens laboret,  
 Ac memori probet ore Christus.

## IN TEMPESTATE SVBSIDIVM.

Qui nouit metuitque Deum, discrimina nulla  
 Ille timet, nil non scitque probatque boni.

VATI. FORTISS. TEMPERAN-  
 TISS. POS.

In tabulam Esdræ scribæ.

## Ode Dicolos Tetraſtrophos. XXIX.

**P**erfarum populo & regibus inclytis  
 Dilectum Arfacides ingenium, tuoque  
 Optatum generi lumen, amabile  
 Cæloque & superis caput:

Esdra ô progenies pontificum sacra,  
 Expectatum auidè qui Phineæ vetus  
 Exemplum reuocas, moribus integris  
 Præstas & sapientia.

Redduntur Solyrnis te duce principes,  
 Longo quos Babylon carcere presserat:  
 Vasa & sacrilegum quæ rapuit manus,  
 In sanctam referunt domum.

Quamuis difficilis non solitos viæ,  
 Ignauosque metu, atque hostibus improbis  
 Inuisos memori consilio viros  
 Ac dictis reficis bonis.

Dum deuota Deo te duce mœnia  
 Sionis subunt, quâ populus frequens  
 Festiuo sociat plurima carmine  
 Templis dona recentibus:

Illic & vituli sanguine feruidi  
 Aras & Libani tingis odoribus:  
 Et vota incolumis persoluens tua  
 Genti concilias Deum.

Infamata malis secula nuptiis,  
 Admissumque nefas moribus expias,  
 Antiquasque iubes discere, & asseris  
 Leges, & patrium decus.

PRO.